

GOVERNOR

Larsap, General Vijay Kumar Singh chuan Mizoramin leilung mawina leh hnam zia rang a malsawmna a dawn humhalh kawngah, mi tin an pawimawh thu a sawi. He thu hi vawiina Raj Bhavan-a Mizoram Bharat Scouts and Guide-a tel zirlai thenkhat, Rajya Puraskar chawimawina a hlanna ah sawiin, Larsap chuan hemi huna kalkhawmte chu Mizoram thing leh mau bakah lui leh nungchate humhalh kawngah theihtawp chhuah zel tur a sawmin, khawtlang nun hrisel tak vawn nun zel chu mitin tih makmawh a nih thu a sawi a. He huna zirlai chawimawina dawngte chu an thiamna leh theihna ram leh khawtlang tana hmang tangkai tur leh Scout and Guide huamchhungah pawh an chawimawina dawn chu duh tawk mai lova, India ram pum huap chawimawina India President hnen atanga dawng ngei tura a duhsak thu a sawi baw. Vawiina Bharat Scout and Guide state award sang ber, Rajya Puraskar hi mi 97-in an dawng a, he award dawngtute zinga Aizawl district pawn a awm te chuan anmahni district theuhvah chawimawina hi an dawng thung a ni.



ROAD SAFETY WEEK

Tukin dar 7:30 khan Zoram Drivers' Union (ZDU) buatsaihin Road Safety Week vawi 44-na - Fimkhurna Hapta chu Chaltlang Lily Veng, Sairang Road-a ZDU hmunpui-ah Transport Minister Pu Vanlalhlana'n a hawng. Pu Vanlalhlana chuan Fimkhurna Hapta hawnaah hian thu sawiin, November ni 25 atanga December ni 1 thlenga Road Safety Week hman tur chu mipuite hnena fimkhurna thuchah leh mawhphurhna inhriattirna hun pawimawh tak a nih thu a sawi a, Road Safety chuan Lirthei khalhtute chauh huam lovin, kawngpui hmangtu zawng zawngte a huam thu leh fimkhurna kawngah pawh mitinin mawh an phurh thu a sawi baw. Lirthei khalh laia rilru pek taw lohte, hmanhmawh luat avanga vanduaina taw leh nunna chante an awm thin chu paw a tih thu a sawi a. Sawrkar chuan vantlang himna tura Dan a siamte chu mitinin ngai pawimawh zel turin he hunah hian a chah nghal baw.

Tukin a Road Safety Week Aizawla hawna hun hi ZDU President Pu F. Dosanga'n a kaihruai a. Mizoram hmun hrangah a rualin Road Safety Week hawna hun hi hman a ni. ZDU hmalakna hian Lirthei khalh chungchanga Fimkhurna Hapta hi kum 1981 atanga khan Drivers' Week tih hming pu-in hman tan a ni a. Kum 2007 atangin Road Safety Week tih a thlakin kumtin hman thin a ni.



FLORISTS' FAIR

Horticulture Minister Pu C. Lalsawivunga chuan, Mizoram a pangpar khawitute dinhmun chawi kan nan Indo Dutch Center of Excellence for flower-te nena thawk ho tura hmalak mek a nih thu a sawi. He thu hi vawiina Aijal Club Park-a Mizoram Florist Association-ten, an pangpar khawi pho lanna hun an neihah sawiin, Horticulture Minister chuan pangpar khawi atangin khawvel ram changkang zawkte chu dinhmun sang takah an invawrh chhoh tawh thu leh Mizoram chhunga pangpar khawitu te pawhin chutiang dinhmun chu an thlen theih ve thu a sawi a, Sairang a rel rawn luh hnu ah phe chuan rel hmanga pangpar Delhi-a thawn a nih tawh thu leh hei hian rah tha tak a chhuah ngei a beisei thu a sawi a, pangpar khawi chu tih takzet a kalpui a nih chuan Mizoram pawhin ram changkang zawkte a el phak thu a sawi baw.



WOMEN HELPLINE

Women and Child Development hnuai Women Helpline-te tarlan danin, kumin July atanga October thla thleng a hmeichhiate chung a hlei lenna thleng report an dawn chuan 11,864 a tling tawh. Women Helpline-a thawkte'n Akashvani News Aizawl an hrilh danin nikum 2024 atanga kumin June thla thleng a hmeichhiate chung a hleilenna thleng report an dawn chuan 13,994 a hawlh kai a, kum 2016 atanga kuin

thla hmasa thleng a hmeichhiate chung a hlei lenna thleng report an dawn chu a vai a chhiarin 45,532 a tlin thu an sawi bawk. Women Helpline-a thawktute chuan hmeichhiate chung a hlei lenna thleng hi domestic leh non-domestic- ah then hrangin domestic bikah hian a vai a chhut a za a 56.14 a thleng a, non-domestic bikah hian za a 43.86 a awm bawk a ni. Kan correspondent report i lo ngaithla ang :

